

程

清閔閣遺稿卷三

東海

清閔閣

雲林倪瓚

雲林倪瓚元鎮父著

八世孫瑄梓

五言律詩

積雨

積雨生朝菌微風墮碧蓮  
鵝池汲書水鶴帳理琴絃  
猥躡苔衣破窓承樹影圓  
空林無與語長夏曲肱眠

春日客懷

白鶴烟霧遠滄洲雲海寬  
蘼蕪細雨濕桃李春風寒

沉憂鬱不解離緒杳無端還憶郊園集琴醞共清歡  
與張貞居雲林堂宴集分得春字

青苔網庭除曠然無俗塵依微樵徑接曲密農圃鄰  
鳴禽已變夏疎花尚駐春坐對盈樽酒欣從心所親  
秋日寄謝參軍

岩堯太華隱婉戀東山情學本猶龍老詩工阮步兵  
心期流水遠世事浮雲輕公府饒才彥琅琅玉雪明  
次韻寄王長史

示病維摩室端居無俗情清齋久絕飲白首不吟。

露壁蛩吟切風林鶴骨輕何時同內史清咏向蟾明

賦雪舟

一舸星河渚空明玉氣浮懷仙李太白訪遠王子猷  
月色如可掇曙光疑欲流銀屏雲母幃夢為笙鶴遊

寄王道士宗晉

王君舊隱地聞更結茅茨鶴斃春栽芡鵝羣雪泛池  
時歌綠水曲不負碧山期夜雨生芳草令人起夢思

題張德常良常草堂二首

一室良常洞幽深古大茅風瓢元自寐畦甕不知勞

獨出逢騎虎初來學種桃還應白雲裏遲子共遊遨  
其二

翠壁鄰丹竈青楓背草堂琴書聊卒歲麋鹿自成行  
疊澗流杯滑飛花入座香寧無問津者及此繫舟航  
悼項山清上人

幽曠山中樂飄颻物外心梵餘閒憇石定起獨哦松  
花落春衣靜雲垂澗戶重依依種蓮處林暝只聞鐘

垂虹亭

虛閣春城外澄湖暮雨邊飛雲忽入戶去鳥欲窮天

林屋青西暎吳松碧左連登臨感時物快吸酒如川

稽山草堂為韓致因賦

稽山讀書處應近賀公湖礪月懸蘿鏡汀花落酒壺  
賣藥入城市扁舟在菰蒲逃名向深僻君豈伯休徒  
俞子中見過

積雨衆芳歇新晴生綠陰獨眠方不愜多子復相尋  
鳴鹿在春野啼鶯聞遠林余懷良已罄咏嘯罷清琴

邀張彥高

清風入庭戶野客意悠哉一與佳人別堦前生綠苔

參差松影亂  
窸窣歷竹扉  
開我有盈樽酒  
懸榻待君來  
用韻重寄

山齋秋聽雨  
高卧興悠哉  
鹿飲荒池水  
蝸耕石逕苔  
寶瑟芳塵滿  
臨尊詎忍開  
長吟我有待  
躡屩子能來  
贈簡上人

初公經閣裏  
復遇簡禪師  
好飲茅君酒  
狂吟杜牧詩  
錢唐江上去  
楊柳花飛時  
帆影青山隔  
依依夢見之

題張氏藜竹軒

高軒自虛曠  
幽竹亦叢生  
苔石寒依玉  
風泉夜奏笙

治寇輕可看  
醞酒綠因名  
好折青鸞尾  
仙壇掃月明

遊善權洞載宜興縣志

來窺善權洞  
一上李公樓  
水映巖前引  
雲旌松際浮  
然燈長不夜  
垂釣只虛舟  
欲讀吳朝刺  
真成冒雪遊  
野眺寄友

見話幽人屋  
荒城落日邊  
川原漫浩浩  
烟樹靄芊芊  
野稻初收碧  
江魚上釣鮮  
何當剩沽酒  
直到爾門前

寄徐仲清

巖谷採靈藥  
蕭條棲遁情  
白雲簷下宿  
海鶴塔前鳴

燕俎登春菌。晨飧脯竹萌。詩憑五瀉水。好過蘭陵城。  
贈劉道益并似陸明本

作賦雲間陸。能詩鄴下劉。悲秋多遠思。挾控作清遊。  
竹冷侵衣屨。窓虛見女牛。燈前一杯酒。漂泊更維舟。  
賦德機徵君荆南精舍圖

結廬溪水南。勝處慙幽探。夏果足山雨。春衣染夕嵐。  
石欹招鶴磴。門俯射蛟潭。日日縈歸夢。蕭條雪滿簷。  
次唐綦毋潜宿龍興寺韻寄方厓

無家何處歸。南渚有禪扉。湘簟間秋水。風蓮墮粉衣。

硯池滋黯黯。竹露淨微微。社燕情如客。攬君去。槩飛

贈謝長源

公子太傅裔。好於湖上居。卷簾微雨裡。岸幘晚風餘。  
古刻秦斯篆。玄經許掾書。何當尋好事。鼓枻及秋初。

贈墨生

巖谷春風起。桐花落澗紅。隔水輕烟發。收煤石竈中。  
豹囊祕玄玉。鵝池生白虹。湯生法潘谷。千載事還同。

雲槎軒

已比溝中斲。空思海上浮。隨雲秋汎汎。貫月夜悠悠。

無路通河漢憑誰問女牛漂淫非有待吾道付滄洲  
悼朱高士

秋日高人逝微霜蕙草摧鵝羣空碧沼鶴影自層臺  
應御冷風出疑隨密霧來杉松暮蕭瑟撫事有餘哀  
贈道益

昔者劉高士匡山曾結廬插籬培杞菊克棟著圖書  
鶴影秋雲外蛩吟夜雨餘茂深繩祖武息景在林居  
送徐元度還江西

悠悠西江水綿綿江上山借問離羣鶴孤飛幾時還  
白雪亦忌潔青雲安可攀時時王子晉吹笙向人間  
題元朴上人壁

蕭條江上寺迢遞白雲橫坐待高僧久時聞落葉聲  
鳴夷懷往躅張翰有餘情獨掉扁舟去門前潮未生  
贈沈文舉

波光浮草閣苔色上春衣楊柳鶯啼暗櫻桃鳥啄稀  
榮名非所慕登覽竟忘歸泐水宜修禊重來坐釣磯  
七月十四日對雨

雨簷驚瀉瀑江漲忽通渠古砌羅秋草荒畦綴晚蔬

稍開雲表月還掩篋中書。欲話幽貞意忘言已久如。  
寄虞子賢

天闊海漫漫崑山望眼寬。桃源迷晉世松樹受秦官。  
雨蘚鹿迹遍霜梧鸞影寒。封題數行字聊爾問平安。  
徐伯樞歸耘軒作

歸耘向何處近在東膠山。白雲宿虛牖釣艇當荒灣。  
彈琴送落月濯纓弄潺湲。寸田勿狠莠所顛勤治芟。

贈張韓二君

張仲情何厚韓康誼亦深。賦詩論宿好聚首契初心。

阮藉惟須酒陶潛不解琴。與君忘爾汝蕭散鶴鳴陰。  
酬彞齋見詒二首

秋氣入幽居堦前樹影疎。筋骸渾懶惰服食轉清虛。  
薄晚魚潛渚新晴溜繞除。茯苓期共煮悵望苦吟餘。  
其二

荆溪丘壑遠暇日得躋攀。野客時相過高人意自閒。  
敲門看修竹卜宅近青山。勝事今寧有幽吟一解顏。  
暮春期潘徵君不至

風林驚宿雨澗戶落殘花。芳月忽已晚幽期良恐賒。



黃鸝念求友鸚鵡呼煮茶猶候犢車至心親寧憚遐  
義興王子明以竹筩餽余口占謝之

竹下拾烟筩筠籃初送將亭亭似三秀楚楚異衆芳  
猶帶雨露氣更懷泉石鄉此日山中客筍蕨得新嘗  
贈公遠

霜葉落欲盡晚山看更青躡將沙際屐坐久水邊亭  
俛仰已如夢漂搖同汎萍稻梁非所戀黃鸝思冥冥

對雨懷張貞居

戶庭來遊絕園林飛雨滋芳氣初襲蕙園文復散池

栽書恐沾泪德溜謾懷思清溪已可汎方舟幸及茲

附次元鎮見懷韻

張天雨

玄句何蕭蕭咀味生華滋換着空頂憤把卷適臨池  
憐君柔緩情起我淹留思丘園歲將晏幽期方自茲

送僧

聞說四明道山川似若耶去依阿育塢還宿梵王家  
野市封殘雪江船聚晚沙光公強健否持底作生涯

贈王光大

荆溪王隱士相見每從容借地仍栽竹巢雲獨傍松

青苔盤石淨。嘉樹綠陰重。約我同棲遁。高高第幾峯。  
聽雨 是雨不生聽雨

樓上看春雨。玉笙悲遠天。辛夷紅染筆。芳草綠搖烟。  
冉冉侵書幌。冥冥濕釣船。新愁嫌點滴。元不到鷗邊。  
送李徵君遊荆溪因寄王司丞

何處尋狂客。故人王子猷。花殘庭前樹。風吹溪上舟。  
紫筍生春雨。綠蕒滿芳洲。心隨酒船發。悵望不能休。

五雲書屋

幽深隱者宅。迢遞少微山。賀公鏡湖曲。李白掉歌還。

雨几研苔碧。風軒江竹斑。韓衆近何似。晏景白雲間。  
雨霽呈德常

積雨琴絲緩。泔堦蘚碧滋。泥途方汨沒。茅屋且棲遲。  
酒向隣家貰。杯從野老持。便應繇此去。海上候安期。  
荅明卿

林靄去鶴唳。孤烟原上邛。稊澗綠雲滿。換幘晴景暄。  
處和斯遺隘。抱冲自寡言。君亦固窮節。衆溺何當援。  
張天民溪亭

菴畫溪亭月。當窓影更妍。朱絃彈綠水。細柳舞春烟。

杜牧何年宅。山僧棲夜禪。張公一杯酒。獨醉羲皇前。  
雨几

雨几唯生睡。邨醪不解愁。泥塗深溺象。身世眇浮漚。  
徑草紛披濕。林扉慘淡秋。何人富春渚。五月披羊裘。  
寄張景昭

烟渚落日後。風林清嘯餘。輕舟下天際。高人遺素書。  
筍脯炊菘米。松醪薦菊菹。子有林壑趣。江海一迂疎。

荒邨

踽踽荒邨客。悠悠遠遁情。竹梧秋雨碧。荷芰晚波明。

穴鼠能人拱。池鵝類鶴鳴。蕭條阮廷集。幾屐了餘生。  
荅光大

空谷枉嘉藻。幽吟當素秋。詩鏗清廟瑟。書聳屈盧矛。  
學業余多愧。才華子獨優。飛鸞天外羽。斯世邈難儔。  
寄東白上人

楓林散霞綺。湖水淡秋烟。忽憶白麻漾。初春掉酒船。  
羽客借鱸具。高僧醉棲禪。何時來甫里。痛飲菊花前。

酬雲浦

尋真狎隱淪。息景絕風塵。屈子能安義。陶公每任真。

山中宜餌术。江上憶羹藟。亦欲從棲遯。柴車為爾巾。  
題丘氏壁

我愛丘君宅。蕭然隱者風。石邊蒙細篠。井上植高桐。  
墨沼鵝羣白。雲窓藥蕊紅。咏歌當上巳。修禊樂融融。

桂花

桂花留晚色。簾影淡秋光。靡靡風還落。菲菲夜未央。  
玉繩低缺月。金鴨罷焚香。忽起故園想。泠然歸夢長。

寄章心遠

江海章高士。相違已半年。青山雲冉冉。白鶴影翩翩。

坐看神鰲下。行吟秋水邊。何當拾瑤草。遲子華峰巔。

賦雪蓬

手把玉麈尾。身披素綺裘。梨花縈夜月。柳絮入虛舟。  
不作饑鳶咏。其如載酒遊。因懷剡溪興。烟水暮悠悠。  
輓張德常

孝弟由天性。清貞有祖風。宦遊江郭遠。歸隱曲林通。  
嗜古真成癖。歌詩信已工。有才悲賈傳。荏苒百年中。

畫寄王雲浦

蕭散賢公子。衡門似水清。花間青鳥過。砌下綠苔生。

山色排簷入江波照眼明開圖想幽境欲為寫閒情  
高進道水竹居

我愛高隱士移家水竹邊白雲行鏡裏翠雨落堦前  
獨坐數書席相過趁釣船何當重來此為醉酒如川

寄王叔明

能詩何水部愛石米南宮允爾英才最居然外祖風  
釣綵烟霧外船影畫圖中他日千金積陶朱術偶同

秋日贈張茂實

又客東海上秋風吹練裙放言愛莊叟笑癖如綠雲

采藥清晨出哦詩靜夜聞澹浪可濯足吾與爾為羣  
期友人不至

山寺擁爐夜風聲如怒濤獨吟何水部還思王騎曹  
曠達余所羨阻別心增勞來茲慰幽寂輕舟幸即操  
義興吳國良用桐烟製墨將遊吳中求售賦詩

以速其行

生住荆溪上桐花收夕烟墨成羣玉祕囊售百金傳  
孰謂奚珪勝徒稱潘谷仙老松端媿汝法已入玄玄

題方厓墨蘭

蕭散重居寺春風蕙草生幽林蒼蘚地綠葉紫瑤莖  
早悟聞思入終由幻化成虛空描不盡明月照敷榮  
為唐景玉畫丘壑圖因題

丹經留玉斧真籙佩青童蛻跡氛埃外怡情巖穴中  
吹笙緱嶺月理詠舞雩風欲畫玄洲趣揮毫清興同  
題風竹圖贈于靜遠

故人于靜遠訪我到南湖作黍蔬親瀹開筵酒屢沽  
臨流同嘯咏剪燭尚歌呼長夜清無寐還為風竹圖  
題畫

甫里林居靜江湖遠浸山漁舟衝雨出巢鶴帶雲還  
漉酒松肪滑敷茵楮雪閒春風一來過似泊武陵灣  
為文舉畫泖山圖因題

華亭西畔路來訪舊時踪月浸半江水蓮開九朶峯  
酒杯時可把林叟或相從興盡冷然去雲濤起壑松  
畫竹寄王葵齋

荆南山色裏翠竹密緣溪冉冉春烟薄冥冥暮雨迷  
夢長蝴蝶化行遠鷓鴣啼舊日栽桃李清陰自滿蹊  
題李遵道山居圖

披圖慘不樂日暮眇余思坐石看雲處空齋對榻時  
世途悲在苒墨氣尚淋漓惆悵騎鯨客於今豈有之  
贈王生蒙泉

曉鏡拂秋水晴簷度白雲青春去浩浩艷蕊落紛紛  
道在形神豫心由瞭眊分君其慎語默世事豈余聞  
畫江天晚色贈志學

不見呂君久題詩懷不忘風聲渾落葉山影半斜陽  
獨鶴來遲暮孤帆出渺茫為圖秋色去留寄讀書堂  
題山陰丘壑圖寄趙士瞻

吾愛趙徵士清才能逸羣昔營山陰宅今在吳松濱  
月牖自理詠春羹偏美芹遠懷松上鶴寫寄嶺頭雲  
八月十五夜湖上翫月

平湖秋似練寒月白於銀泫泫衣上露青青水裏蘋  
歡言一杯酒聊樂百年身茲夕對澄景况值高懷人  
三月四日邂逅德方郎官九成掾史於荆溪之  
上相從及旬而別因九成徵余畫并賦詩以  
贈

剡掾學院掾宛然西晉風百年聊復爾三語將無同

載酒來溪上看山入剡中孤帆逐雲影烟雨滿春空  
題漁樵友卷

釣水復樵山。逃名宇宙間。一篙春水淨。半畝落花間。  
鷗鳥時親狎。松雲共往還。厭聞塵世事。緬邈不相關。  
南湖陸玄素高士幽居今王仲和居之水木清  
華戶庭幽邃余嘗寓其家四年蕭然忘世慮  
也仲和以此幀索畫竹石畫已并詩其上以  
寫惓惓之懷玄素仲和外舅也故尤感余故  
人之思乙巳初月十七日

曾住南湖宅于今已十年叢筠還自翳喬木故依然  
雨雜鳴渠溜雲連煮朮烟何時重相過爛醉得佳眠  
過惠山

重過湛公宅因嘗陸子泉佛香松葉裏僧飯石巖前  
市駿唯憐馬池荒憶種蓮清心有妙契塵事久終捐  
送宗天章歸廬山

屏風第九疊歸伴鶴巢松五老峰前路東林寺裏鐘  
宗雷憂入社陶謝莽遺踪我亦名山隱他年何處逢  
題畫贈張玄度



玄度好文學工詞翰藹然如虹之氣真江南澤  
中千里駒也十二月十四日侍乃翁訪僕江  
渚相與話舊踟躕深動故園之感因想像喬  
木佳石翳沒於荒筠草蔓之中遂寫此意并  
賦詩以贈焉

蕭條江渚上舟楫晚相過卷幔吟青嶂臨流寫白鵝  
壯心千里馬歸夢五湖波園石荒筠翳風前恍浩歌

寄剡九成

州府今為椽風埃多厚顏香芹渾滿澗去鶴未巢山

思逐春雲亂心隨野水閒章君應話我樗散碧巖間  
寄張德常

卜宅近溪西雲烟咫尺迷晝眠同野鶴晨起候林雞  
舊種松三徑春栽菊滿畦來禽與青李囊致不封題  
送王叔明

連榻卧聽雨劇談清更真少年英邁氣求子不多人  
仕祿豈云貴貝琛非所珍當希陋巷者樂道不知貧  
寫秋林遠岫圖贈約齋因題

五言韋刺史此地數曾遊無復綠陰靜空悲紅樹秋

市聲晨浩浩雲影暮悠悠徵士冲襟勝邀余共茗甌  
賦謝王彞齋

不面纔經宿題書細作行心親情戀戀事往意茫茫  
酒榼浮松蓋羊腔截玉肪歌詩報佳貺期此共徜徉  
三芳圖

丹桂月光落猗蘭琴調清獨怜秋鶴瘦相對夜江橫  
芳烈誰先後才華孰重輕道心安有染無物惱閒情

題墨贈李文遠

義興李文遠墨法似潘衡麋角膠偏勝桐花烟更清

紫雲腴泛泛玄璧理庚庚安得龍香劑霜枝寫月明  
題畫贈九成

吳山春雨淨江渚暮潮平解纜欣初霽開帆已到城  
剡君有高趣樽酒慰閒情醉吐真丘壑毫端一咲成  
畫竹寄張天民

良常南洞口聞有掃塵齋竹影春當戶泉聲夜遶堦  
自矜霜兔健安有魯魚乖截得青鸞尾因風寄好懷  
贈陸隱君

甫里高人後風流有裔孫愛山仍愛畫留饌復留樽

每看雲眠石因尋竹款門今朝嵐翠濕應是雨翻盆  
寓法藏禪寺載宜興縣志

風雨入城府禪扉三日留清齋聊弄翰曉浴更梳頭  
石鉢香烟細經幢樹影稠移舟未塞霧少泊聽鳴鳩  
浦城春色圖寫贈遜學

七閩嵐翠合山色浦城高春靄浮青壁晴曛醉碧桃  
吟猿儔木客飛瀑亂松濤夢入千峯裏雲霄一羽毛  
聞鶯送別鄭徵士

春日陽關道鶯聲滿上林來從金谷曉飛度玉樓陰  
柳嫩難分色歌停稍辨音明朝空解語人去落花深  
新涼戲呈甘白

閒靜幽人宅蕭條樂園亭炎暑浹旬劇遠山當戶青  
涼生猶病瘥愁解如酒醒卧看風篁影落月滿階庭  
贈郭本齋

高人郭本齋輕舟東渡淮賣藥不二價向人多好懷  
世方憂暵死我豈與時乖欲覓金光草相期弱水涯  
畫贈耕雲

戢柁泊清陂禪居獨下帷軒扉雨寥落草木晚離披

野老無機事。江鷗更不疑。虛舟身世遠。萍葉任飄吹。  
贈陳維寅有跋

十二月九日夜與維寅友契篝燈清話而門外  
北風號寒霜月滿地牕戶閒寂樹影零亂吾  
二人或語或默寤寐千載世間榮辱悠悠之  
話不以污吾齒舌也人言我迂謬今固自若  
素履本如此豈以人言易吾操哉維寅言歸  
因賦詩并書此為贈慎勿以示顯貴者必大  
笑以為謬語也十三日瓚書于蝸牛廬中歲

壬寅

陳君有古道夜話赴幽期翳翳燈吐焰寥寥月入帷  
冰嘶醱酒味霜氣折琴絲明日吳門道寒聽獨爾思  
六月六日盧氏客樓對雨一首呈維寅

無家隨地客。小閣看雲眠。涉夏雨寒甚。似秋風颯然。  
舞鸞悲鏡影。飛雁落箏絃。好轉船頭去。江湖萬里天。  
題郭天錫畫并序

天錫掾郎與予交氣久死別忽忽二十餘載念  
之悵恨如何可言錫山弓河上玄元道館錫

麓玄丘精舍其畫壁最多今或為軍旅之居  
或為狐兔之窟頽垣遺址風景亦異雖予之  
故鄉乃若異鄉矣不歸吾土亦已十年因勝  
伯徵君攜此卷相示為之展玩感慨并叙述  
其疇昔相與之所以然者其中有不能自己  
也捉筆凄然久之至正二十三年歲在癸卯

十二月十日夜笠澤蝸牛廬中寫

郭髯余所愛詩畫總名家水際三义路毫端五色霞  
米顛船每泊陶令酒能賒猶憶相過處清吟夜煮茶

十一月一日燈下戲寫竹石霜柯并題

久客令人厭為生只自憐每書空咄咄聊偃腹便便  
野竹寒烟外霜柯夕照邊五湖風月迥好在轉漁船  
惟允契友工為詩誥而圍棋鼓琴無一不造其  
妙雖游名公卿間無意於仕進故寫竹枝奉  
贈又賦此詩

岷江陳秀士棲隱闔閭城覓句仍工畫看山不愛名  
棋枰消永日琴調寄閒情摩挲鬚髯美春苗紫過纓  
寄友

吳淞江上宅。青翠映丹楓。欲覓幽人去。遙憐雅好同。  
珍圖藏顧陸。蓮社憶雷宗。聞道秋風夜。清琴寫澗松。  
八月廿日為叔平畫紫芝山房圖并賦

山房臨碧海。燁燁紫芝榮。雲上飛鳧鳥。月中聞鳳笙。  
木烟生石竈。竹雪灑茆楹。誰見陳高士。希夷善養生。  
有立徵君名其齋曰端居室讀書學道咏歌先

王之遺風於其中為之題贈

五畝幽人宅。端居思沈寥。圖書克棟積。心跡去人遙。  
卷幔松風入。當堦蘭雪飄。善求顏子意。陋巷樂簞瓢。

徐良夫耕漁軒

僕來軒中自七日至此凡四日矣風雨乍晴神  
情開朗又與耕雲耕漁笑言娛樂如行玉山  
中文來自足照映人也喜而賦此詩

溪水東西合。山家高下居。琴書忘產業。踪跡隱樵漁。  
積雨客留宿。新晴人赴墟。厭喧來洗耳。清泚遠前除。  
至正癸亥秋七月三日乘雨至西園因寫此圖

賦詩以紀勝遊

卜宅清溪上。烹茶煠樹根。書堂微雨霽。石榻古苔痕。

松葉飄琴薦。荷香罩酒罇。邵公敦古道。幽尚竟誰論。  
宿樂園林居

予來城郭而暑氣熾甚。偶憇甘白先生之樂園。  
林居不覺數日。相與蔭茂樹。臨清池。誦義文。  
之象爻。彈有虞之南風。遂以永日。忽忽已淹。  
留。久如間。成此詩。以寓笑樂耳。甲寅六月十

六日

暮投齋館。靜城郭似山林。落月半牀影。涼風孤鶴音。  
汀雲縈遠夢。桐露濕清琴。喧卑靜塵慮。蕭瑟動長吟。

為耕雲賦山居

高木垂帷密。清池拭鏡明。虫書葉字古。風織浪紋輕。  
悄悄悲秋意。悠悠惜別情。古人雖已矣。得失未須驚。  
示友人

子處窮愁際。我居憂患中。貪饕如鬼國。喜怒屬狙公。  
莫笑淮陰俛。誰同鮑叔風。雪汀留雁迹。飛舞任西東。  
題梅花道人墨菜詩卷

肉食固多鄙。菜烹元自癯。曉畦含露氣。夜鼎煮雲腴。  
春醪時一進。林筍與之俱。游戲入三昧。披圖聊我娛。

孤雲用王叔明韻

烟浦寒汀雨吳山楚水春絕無疑滯跡本是不羈人  
鶴鶴同棲息蛟龍任屈伸自嗟猶有累斯世有吾身

清閔閣遺稿卷四

雲林倪瓚元鎮父著

八世孫程梓

五言絕句

題臨水蘭

蘭生幽谷中倒影還自照無人作妍暝春風發微笑  
和趙魏公張外史詠玄洲十景

菌山

奕奕三素雲團團如車蓋下有採芝仙游神與天會



羅姑洞

玉晨啓玄扉靈篇授飛仙鍊景返洞宮保真億萬年  
霞駕海

混淪青瑤流煥爛雲錦光飛駟駕神君宛在甸山陽  
鶴臺

胎仙集丹臺真宰降玄居翕忽神飈散燒香禮太虛  
桐葉源

密葉蔭方壇珎林寄深谷華源遠莫窮時有幽人宿  
玄洲精舍

步虛朝東華高嘯追遠遊玄館受妙道逍遙宴神州  
紫軒

虛林想遺躅壇館廢仍存落葉藏丹竈清晨雲氣溫  
隱居松

蒼雲乘白鶴傳說手栽松山室清眠夜千巖聞勁風  
玉像龕

玉標明霞秀靈炁混合流光映金宮雲旆招萬靈  
題自畫

東海有病夫白云繆且迂書壁寫絹楮豈其狂之餘

又

青林藏曲密遠水間微茫飛鷺浴鳧處人家半夕陽  
夜作古木怪石因題

雨竹  
夜遊西園渚初月光炯炯徙倚巖石下愛此林木影

雨過瀟湘渚風生渭水波暮窓揮醉墨翠霧濕烟蘿  
二月廿二日潘子素王叔明來訪臨別為寫水

傍樹林圖

積雨開新霽汀洲生綠蕓臨流望遠岫歸思忽如雲

寫竹枝為子中陳若

子中高世士脫帽着黃冠久勵冰霜操虛心共歲寒  
題鶴

海月生殘夜遠天入暮秋安期應有待清唳起玄洲  
題畫鶴

白鶴何僊僊翠石亦岌岌風日媚幽芳春禽飛相及  
題王叔明小畫

餘不溪上路不到已三年范蠡扁舟小披圖思惘然  
題夏圭紈扇圖

孰識琴中趣山峩水深深馬史妙於畫無言會古音  
題畫

筆鋒雖小劣景物亦清新蕭瑟風林晚江湖有逸民  
又

杳杳碧山岑森森灌木陰幽亭足清眺臨風聊鼓琴  
又

江城秋雨後竹石曉蒼蒼聊以規摹此留看宿鳳凰  
荆溪載宜興縣志

荆溪清遠地水秀石幽貞誰識懷歸者終朝憤憤情

題秋亭曉色圖

園林夏雨歇旭日照蒼苔誰見竹亭裏孤坐興悠哉  
寄友

風雨暮蕭蕭高人共寂寥何時截湘玉踏月夜吹簫  
菜圃

食菜雖云美荼苦薺自甘猶勝高陽徒羶葷自飫酣  
春江獨釣圖

春洲菰蔣綠江水似空虛望山以高咏釣志不在魚  
墨竹

明月臨虛幌疎篁舞翠鸞獨吟苔石上霜葉媚天寒  
題畫與溥泉

息景憇烟霞澄懷卧丘壑久遲蘇仙君莫驚松上鶴  
題畫

荆溪山水勝不到十年餘蔣氏遺基上寒藤學草書  
又

雨過黃陵廟風生湘水波當時卸帆處苔石倚喬柯  
画竹為景周寫

修竹種丹房亭亭枝葉茂青寧忽日生拾取延人壽

題畫贈彥貞

翠竹並竒石蒼蒼留古柯明窓坐相對試問興如何  
又

遠山清欲滴疎林淡生烟春潮晚來急維定渡頭船



